

զինն աղբիւրս շուրց շատրուանովք հանգերծ, որոց շուրն գնայ անկանի ի ստորին անկին պարտիզին յաղբիւրն, յորմէ կարեն ըմպել անցաւորք: Պարտէզն անգամ մեծ է իբր երկու և գուցէ աւելի ևս քան պարտէզն որ առաջի մերոյ նորընծայարանին, յօրինեալ պէտպէս ծառովք, բուսովք, ծաղկօք և շատրուանօք, որ երևի իբրև զգրախտն աղենական, որ մերոց է յոյժ հարկաւոր, ի վերջն նորա կայ քեօշք ինչ, յոր կարէ որ զկնի շրջելոյ ի պարտիզին, հանգչել:

Երկայնութիւն տեղւոյն, որ բաղկացուցանէ զպարտէզն և զբնակարանն է իբր 100 կամ 110 քայլ բնական. իսկ լայնութիւնն սոցա է իբր 50 կամ 55 քայլ. զմեծ մասն երկայնութեանն ունի պարտէզն, որպէս ի նկարագրին երևի. իսկ նայեացք բնակարանին մեծ մասամբ նայի ի հարաւ ի վերայ պարտիզին, որոյ առաջն է բաց և ազատ, ուստի և օդն է զարմանալի. և փոքր մասամբն նայի յարևելս ի վերայ ճանապարհին. ընդդէմ որոյ ի միւս կողմանէ ի ճանապարհին կայ որմն պարտիզին իշխանի ուրուք: Բայց ի հիւսիսոյ կողմանէ կցին ի բնակարանն տունք ինչ փորձելիք, որք են հինք, ցածք, և զտեղակաւք, որպէս զտունս գեղացւոց, զորս ըստ ժամանակին կարեմք քակտել, և ի տեղի նոցա կանգնել եկեղեցի ինչ, որ լինիցի զարմանալի դրիւք, զորմէ այժմ ոչ է ժամանակ խօսելոյ: Իսկ երկայնութիւն այսց տանց է իբր 25 կամ 30 քայլ, և լայնութիւն նոյնչափ, կամ ըստ համեմատութեան: Իսկ շէնքն տանն ի մէջ բնակելւոյ, ոչ է պալատակերպ՝ այլ երևի իբրև զհասարակ տունս վէնէտիկու, պարզ և հին որմովք և պատուհանօք: Արդ՝ զմեծութեան և զշինուածոյն ասացի, զի մի տեսարն կարծելով մեծ ինչ, ըստ այնմ զգինն աճեցուցեն. ուրմն առաւել գնեմք զաւելին և զգիրքն, քան զշէնքն: Ուրեմն մտածեալ ոչ զնիւթականութիւնն, ոչ կարեմք գտանել զայլ տեղի ի հօտ լաւագոյն քան զնա. մանաւանդ մտածելով զայլ յարմարութիւն ինչ արտաքին, ոչ յազիմ զովելով զտեղին, այսինքն է անթիւք թաղք գոն ի հօտ, որք ոչ ունին զվաճառանոցս մերձակայ ինքեանց. ուստի ի պիտոյ լինելն ինչ, մանաւանդ ի գիշերի, պարտ է վեր ի վայր շրջիլ. սակայն մեր տեղին է յայնպիսի դիրս, յորմէ քայլ մի յառաջ գնացեալ գտանես զվաճառանոցն զայն համբաւաւոր կոչեցեալ մազել տէ քօովի, լի ամենայն տեսակ բարեօք, որպէս աշէնսիօնն վննետիկու. առ մեօք կայ և սքանչելի սիւնն տրայեանեան. և յամենայն տեղի ուր կամիմք գնալ ի մեր տեղւոյն անկանի մօտակայ և դիւրահաս: Մերձ է այնմ և զամպիտօլիօն և սանթա մառիա մաճիօն, և փիացայ տի սպանիայն և փօթա փիայն և նորընծայարանն յիսուսեանց ևն:...

1764 սեպտ. 11
[Հոռովմ]

Հ. Մկրտիչ Ա[նանեանց]

ՄԻԹ.

Սառաֆեան իր երկար լռութիւնը կը խզէ ողջունի նամակաւ մը, խօսելով նաև Պոլսոյ Հայ Պատրիարքարանի շարժումներուն և նաև իր մասին:

Է

Տեառն Տեառն Ստեփաննոսի Սրբակրօն Արքայի Հայոց՝ Յարգումն և Ողջագոչորումն ընդ Յիսուսաճիր Ողջունի և Սիրոյ ընծայեալ մատուցանի ի Տէր

Հոկտ. 8, 1764 ի Պօլիս

Մերթ ընդ մերթ յընկալնումն իմ զպատուական աւանդն երկնաճիր Ողջունի քոյոյ պայծառութեան՝ ի ձեռն մտերիմ միակրօն հպատակելոց քոց, նոյնն համարեալ լինիւր յաշս իմ իբր սիրայորդոր ընծայ իմն բարեվայել և զուարթարար, և ի վեր քան զոսկի